

四庫全書

集部

山鳥畏人穿竹啼

上巳集葭白齋

盡日添衣怯峭風春光一半水流東老催花事來心上

醉戀朋歡在客中小海無人知夏統草堂何地著盧鴻

時葭白  
將移居

從教天地遽廬似翦燭題詩不易同

廣陵送壽門游河東

共話風塵裏臨分剋後期人同歸雁去樹接暮雲垂  
汾曲存勤儉江南重別離登樓吾亦嬾為子立移時

馬秋玉佩兮招飲出觀顧定之墨竹

上有張伯雨  
鄭元祐朱澤

民題

句

晉代愷之工畫人元代定之竹寫真仲文幼輿何足貌  
不如此君下筆親雲根移得波濤窟晴翠翹翹鸞尾揭  
新筍高於舊竹竿留取抽梢當五月南齋娛客乃爾清  
酒半展軸聞秋聲世間何者善用短奇絕題詩尚左生  
題秋玉佩兮街南書屋十二首

小玲瓏山館

鑿翠架簷楹虛敞宜晏坐題作小玲瓏孰能為之大

### 叢書樓

世士昧討源汎濫窮百氏君家建斯樓必自巢經始

樓中

藏書甚夥近更廣  
按經義補所未備

### 透風透月兩明軒

前後風直入東西月橫陳主旣如謝讓客合思許詢

### 覓句廊

步欄何逶迤晝靜無剥啄好句忽圓時花陰轉斜楠

紅藥塔

種從亳州移不是劉郎譜春風一尺紅塔前暈交午

石屋

寥豁似天造華陽南便門尋仙恐迷路不敢躡雲根

看山樓

青山復何在烟雨晦平陸待得晚秋晴徙倚闌干曲

七峯草亭

青峭落窗中脩脩竹風舉悠然欲揖之恍見林下侶

梅寮

繞舍玉梢發嫩寒先起探絕勝塵土客落月夢江南

清響閣

橫琴小閣閒希聲寄絃指蕭寥不可名松風亂流水

澆藥井

久視託靈苗仰流資灌溉際曉輓轡聲衆芳欣所在

藤花菴

依格青條上垂簷紫萼斜天然妙香色合是佛前花

題七姬權厝志拓本

張羽文宋克書  
盧熊篆蓋

潘將軍識將沼吳出戰未北摧羣珠雉經聊酬貫魚寵  
鬼妾冑奉佗人娛齊雲綺羅付一炬無此高文照千古

春深誰上七姬墳月明曾過三興土

張士誠府基取三興土築成謂長興

嘉興宜興也

去年十月舍弟子山舉一男未幾而殞追感賦此

詩

入手嬰媿即夜光每因追憶倍心傷含飴未得娛大母

吟苦何緣學二郎  
落落衰門慳雀賀  
迢迢貧境想熊祥  
再來若似前人事  
好拜孤南乞命長

哭吳丈志上

北郭幽人住扁舟  
數往來十年交恨晚  
終古別堪哀  
大藥成難待  
名山業未灰  
斜廊曝畫處  
尚想立蒼苔

吳丈書齋

有曝

畫廊

無盡意齋坐雨同陳江臯作

分得荒齋曲录牀  
不嫌風雨共相羊  
經旬泥酒渾成病



五月披裘未是狂  
花落冬青泥滑滑  
魚跳時白水茫茫  
新謠莫漫編  
甘澤有約初晴看  
插秧

明鄭貴妃書泥金普門品經同丁敬身作四首

卷首

題云大明萬曆甲辰年十二月吉日皇貴妃鄭謹發誠心沐手親書觀世音菩薩普門品經一卷恭祝今上聖主祈願萬萬壽

洪福永享康泰安裕吉祥

梵夾瓷青出漢京  
翊坤題處最分明  
依稀買得研神記

紙上香多蠹不成

明大內寫金字經多用瓷青紙翊坤鄭妃宮名

巧笑由來雨露偏  
佛恩遣在聖人前  
開函稽首無他願

一筆泥金壽一年

柘館餘閒罷女紅  
祝釐不與衆嬪同也  
勝密誓言高元殿  
小字親封玉合中

城南詩老觀空久  
特賦新詞繼夢華  
更待秋山黃葉下

與君禮足九蓮花

靈隱寺有慈聖李太后賜九蓮觀音一燈

五月二十五日艮山門外晚眺

吳天入時涼似水  
袂衣出城三四里  
城角遠山青半環  
分得濃嵐落漁市  
荒陂繚絡行何求  
雲影水中凝不收

蓬科誰與作都祭陰森大樹堪蔽牛幾家叢薄徑微窄  
稚髦闖籬窺過客梭櫚散葉覆深井薜荔牽絲護敲壁  
喜聞田水夜初滿不道瓠花朝更坼半虹忽墮橫一橋  
恰當高處風刁騷四天萬綠染未銷峯尖黃鶴如可招  
畫本髣髴臨山樵深林絕礪藏過雨山中茅屋愁漂搖  
道旁日暮紛紛悵白荷欲語嬌相向斜倚珠盤踏寒浪  
菰蒲低處見船行弭櫂無人能一訪我時小極因廢書  
消憂起病兩有餘但思臨平考古蹟安得湯鎮謀村居

朝廷蠲租

詔寬大官府勸農意樂胥攜杼亦可號蠶室息影頗愛  
開蝸廬試歌元豐歲連稔姓氏何必聞鄉閭

葭白餉琴魚

聞道琴溪上春風出小鱗如何附仙籍翻使困漁人味  
淡供清茗形枯借綠蘋因君搜水物欲謁敬亭神

秋夜泊許墅

歸心淹旅泊何處近吳宮夜色一村雨秋聲兩岸蟲道

存衣食內人老別離中坐待嚴關啟松陵藉順風

母壽日作

酉年季秋朔阿母甲子周黃花正被徑紅穗初盈疇采  
英更釀麴粲粲兼沈浮良朋惠文綺學子羅嘉羞貧家  
不解音亦召絲竹謳貴以宣悅豫暖響四座流子婦前  
致詞再拜奉縹甌一願母常健眠食安優游二願歲常  
豐春酒頗易求慈顏笑為醉永永如今秋

南湖秋望

幾點城隅接翅鴉意行烏帽任欹斜橫塘秋水明菰葉  
老屋殘陽上蘚花渺矣高鴻猶避弋落然寒士又辭家  
南湖多少閒風物魚簞誰分一片沙

同玉裁大宗集臯園

綠林映堞境清佳況復游從願不乖人約寒雲來別浦  
葉和流水出荒街擷蔬風味追前輩翦樹軒亭換舊牌  
好敵玉湖諸勝蹟佗時睽隔憶青鞵

玉裁來廣陵同宿閔廉風齋中即事

比年還往數今年乍到江城夜籥懸地主能詩欣會宿  
旅人貪話廢高眠性疎我不王晞悔才大君須杜老憐  
除卻風沙鞍馬事商量換得五湖船

同作

歸安

姚世鈺 玉菽

客中對客互留連竹屋青燈坐惘然潦倒何堪中散  
病飛揚空忝少陵篇武林舊事銜杯問漢上題襟對  
榻眠不是良知心鄭重幾曾輕喚渡江船

正月十一日同尺鳧功千汎舟湖上期敬身不至

二首

以下  
庚戌

試燈天氣思無端，急喚扁舟破翠瀾。  
禁架梅花差少雨，吹噓柳色不多寒。  
空亭苔石週遭坐，新寺烟嵐上下看。  
欲借大癡哥鐵笛一聲飛入水雲寬。

黃子久逢吾子行  
共吹鐵笛於孤山

笛聲不輟交臂而去見楊瑀  
山居新語子久自號大癡哥

處處梅開雪幾叢，蘇堤人立翠屏中。  
水邊歌鼓元宵近，詩裏光陰白髮公。  
將暖湖烟多晚碧，未花桃樹有春紅。  
憑誰為報丁居士，落日沙頭悵望同。



過蘇耕餘教授齋賦贈

東南大藩地郡學首古杭層城闕禮殿喬木森宮牆石  
經有遺刻奎畫宋上皇七十二子像搨自龍眠莊恍若  
過魯墟聞金石絲簧偏安蹟未泯文治今光昌僉僉九  
邑秀橫經願知方掌教匪得人徒令糜官倉姚江蘇夫  
子來繼徐大章明洪武中天台徐一夔為杭學教授有名射策驚漢廷不得  
貢玉堂翻然愛冷職首啗春風香健兒不敢窺廟孺非  
牧場元戎為申誠卓哉君子強齋規胡安定內行陳履

常經師與人師一身兼所當奉檄攝山長臯比擁松岡  
說士甘於肉拔萃皆才良易書校秋賦暗中梭乘黃十  
年冀北空俊髦未易量昨列五三人堪充童子郎佗時  
活國手合在青衿行居然老博士豐頤垂鬢霜謁來官  
訪我衝凍輿臺僵勸我隨使車登華覽咸陽況聞主人  
賢冰操出繡腸方伯方  
公蓄汀足以發幽憂懷古多慨慷鄙性  
慕棲逸未獲辨蒲菟  
切鴻裝開年鬢舍靜報謁因摳裳清  
言忍遽別竹影移繩牀  
芰蔬趣留飲牽迫辭舉觴厚意

使心醉何必同渴羌斯文準崔蔡詎可窮公藏想見尋  
道味陳編誦琅琅三間屋打頭俯仰寬八荒從公樂乎  
此莫嘆餅無糧

二月十日同丁敬身金質甫陳江臯登寶石山天  
然圖畫閣

塔下樓開躡級登東風聊憶昔游曾春深城郭渾如畫  
定裏鶯花不屬僧人影漸移湖上柳烟光又綠壁間藤  
留題為紀閒蹤跡只有看山詫最能

城南桃花同人分得流字

春江明白繞花流十里晴嵐好放眸紅艷正迷前代苑  
亂霞微映遠人舟斜川朋好咸來集杜曲風情不自由  
願倩游絲千百尺繫將西日駐城頭

清明日城東顧氏莊看花分得耕字

惜春連日出重城揀取花多任意行姪姪臨波搖客釣  
迷離並冢照農耕活東聚處芹爭長謝豹啼時筍盡生  
將到薄游還小住佗鄉悶過幾清明

四月十八日同人汎舟紅橋登平山堂送全紹衣

入京

邗溝夏水漲城陰積深翠酒觴壓草痕經年還一至故

人四明客舍香識名字

遠于京畿舍香未越  
三國志虞仲翔傳注

太學待何

蕃少年推賈誼合并有同岑繫維情莫比來聽郭公啼

甞為鮪魚醉人生赴功名時乎偶然遂壯觀留長吟自

足千古意西上陟蜀岡新亭亦佳致歐公遺構任清氣

激松吹歷茅司徒廟眺謝司空寺涼雲遞疎鐘平楚碧

無次離愁生其間紛來不可避惟願追前修遠轡從此  
始

五月十三日同丁敬身游智果寺

招得吟朋上釣槎北山來訪野僧家竹陰入寺綠無暑  
荷葉繞門香勝花泉酌參寥寒甃缺字尋坡老壞梁斜  
幽禽不會躊躇意飛向湖天點落霞

同作

錢塘

丁敬身

偶停艇子叩虛寮初見森森竹放梢鳥語狎人渾不

去湖光似雪更難銷名泉舊自高僧著壞碣曾經野  
火燒五月藕花思往句吟魂雖在倩誰招

功千送高麗墨用山谷和文潛謝穆父贈松扇韻

樂浪松肪薄於紙一挺崑崙指形似若教持伴館中人

風鬟應寫嬋媛子

金蔡松年使高麗為館伎賦石州慢  
詞有雲海蓬萊風霧鬢髮之句見劉

祁歸  
潛志

知君憐我几格寒遣送海雲生硯山野人不草外

國傳但吟小句菰蘆間

敬身用山谷韻乞高麗墨於功千而墨僅二枚一

贈尺鳧一以贈僕竟無以應也次韻荅之僕亦同

作

墨玉乾文光印紙柳枝瘦龍略相似

面作龍紋背有刊見大人四字

貢

餘入手競分藏主不吝留等窮子城南居士氣高寒乞

墨不乞錢買山半枚莫得李公擇置君且在廉讓間

李公

擇曾惠蘇子瞻墨半枚其印文曰張力

剛云得之高麗使者出陸友仁墨史

和功千遺敬身流求扇以償高麗墨之請三用前

韻



排日詩筒遞連紙扇痕一握苞苴似也知摺疊出鯁人  
卻勝纖濃埽螺子往作詩懼六月寒船回落溲來闔山  
動搖更想梅花手可資談柄於林間

流求女子多以墨  
剗手背成梅花

原作

仁和趙昱功千

研光點漆可鏡紙烏玉玦形母乃似松烟恨不貯三

丸餉供蠻牋寫丁子

科斗名丁子見埤  
雅敬身善作篆書

幾日舫趁風

吹寒摺扇宛轉來中山珠宮冷氣壓三伏合置先生

懷衷問

夏夜宿清隱菴五更汎舟湖中

禪榻安心午夜過出門葭葦響微波舟人喚起山月墮  
擢入藕花風露多

秋夕

節近盂蘭暑漸平雨過籬角豆花明絡絲蟲響無燈坐  
劣有幽懷待月生

有懷玉裁授衣

我夢吳興好看山兼著書遠游成計左歸去與人疎水

閣三間隱家風一曲漁焉知陳正字不共采秋蕖

次韻同作

江都閔華

廉風

絕席陳無已閒居姚祕書故人俱寂寞芳訊漸生疎  
蒼弁秋堪畫玉湖清可漁遙知兩詞客搖艇入芙蓉

聖因寺觀貫休畫十六羅漢

唐人畫十六羅漢筆力獨數盧楞伽休公後起出其上  
真容應夢有似忽現優曇花小篆親題廣明歲正在江  
陵傳絕藝禪人請歸懷玉山海衆林神盛訶衛休公不

樂依錢王此畫何年流落長明古寺青豆房殿影香斷  
印龕冷燈無光我昔借觀匿不出卻恨俗僧皆啞羊宰  
官移置湖上龍宮之寶地應真一一來高堂題詩記得  
歐陽炯此畫依然神貌並烟煤雖暗墨蹟麋生絹開張  
氣疎挺眼淨野鷺肩削枯龜頂峯嶽嶺雪綏綏彈舌  
呪罷蓮葉齧齒嚼徧楊枝四十二章經在手一百八顆  
珠倒垂灌餅高擎塞曷鼻坐具入定搯瘦頤聖賢自古  
秉異相何況流沙印度相逢時高情逸格寫不盡更有

嗔如破賊三軍麾其間憩寂皆無語  
巨石高松絡雲霧  
中華只識諾矩羅龍湫雁蕩經行多  
嗚呼炯也詩休公  
畫同在人間縱瑰怪我欲追拔力不  
能但作低頭東野  
拜聖因寺裏鳴粥魚五雲長護

先皇書永將玉軸鎮孤嶼請看水墨  
已是七百春秋餘  
登虎阜小吳軒贈雪澗上人

劍失空池虎氣沈全吳輸與客登臨  
岫收鬼雨參差霽  
樹簇人烟一半陰齊女望餘橫古堞  
越兵來處見飛禽

支公笑指黃雲壠，留看斜陽畫滲金。

小吳軒曉望用清遠道士韻

冷露響墜葉殘星，在秋漢。昨為僧牀宿，避喧遠，如窺開。  
牖發晨暎絕奕寄，竒翫滄溟。恍一漚興，欲游汗漫，藍霏  
吐近郭。素霧起，遙岸俯視平林梢，高下若濤。亂孤塔不  
受侵，猶羃七級半。須臾山帶接，變滅海市散。下方歌鐘  
地，醉夢屢失旦。豈知青岳端，有客早揮翰。逸想天雞語  
幽共谷鳥歎，何當踵嘉游。清詞不能贊。

王荊林司勳邀游惠山訪愚公谷四首

二泉亭下看詩牌轉入蕭森秀嶂街卻是舊游多鶻

突幾回孤負筍皮鞋

愚公谷左為秀嶂街右為名泉里

前人卜築愛幽竒疊石為山勢若移冷翠空烟吹不散  
似和敗葉護荒池

菟裘過眼即滄桑蝸雜苔痕上壞牆誰見甍甍春月暖

聽歌人在蔚藍堂

鄒愚公每挾青衣皮曲於此

山圍屋角木陰攢瀲灩春申澗響寒我輩向耽荒率味

不須金粉畫闌干

同秋玉佩分西顥江華自京口放船至焦山

焦山萬古色蒼翠撐洪波比年困行役東望浮一羸探  
竒藉良朋不恨時蹉跎江豚靜匿影高檣指巖阿竹樹  
漸可分飛簷壓嵯峨轉取寺後道恐落千盤渦滿載京  
口酒吾面未敢酤蓮須有淨界佛事先羯磨古殿陰不  
散緜雲覆杪櫂化生欲震動為少人跡過門橫象山碧  
空水相蕩摩衆謝迺獨往悄然懷東坡



三詔洞拜焦隱君像

呀然石房闢，枯柏互森竦。下有黃犢廬，山因姓氏重。炎  
靈失其馭，四海浩呼洵。先生獨緘口，絕世一何勇。魏吳  
公與卿，彌望盡闢去。之斯已而孤，寄此龍從入。獸不  
亂羣，靈寢甘自擁。至今拂巖花，真氣使人拱。何哉天書  
帝，機祥共慇懃。通夢謬加封，高靈甯汗寵。祥符中真宗  
臥疾夢隱君  
而愈詔封  
明應公我疑駕蜚鴻，瑤草拾遺翫。為君廻俗駕，落葉  
寒到踵。

觀音巖次石壁上宋人趙冰壺韻

聞思大士蹟猶存坐斷千巖水氣昏  
徑滑行防和葉墜江清汲愛帶雲吞  
斑斑霜樹多棲鶴裊裊風藤欲挂猿  
行盡丹梯三十六直疑高處見天根

雙峯閣

絕磴盤空出危峯架屋低雲光在其上  
帆影盡於西身世浮杯似年華過鳥齊  
禪寮容自恣筇杖約重攜

別峯菴

平岡連筠杉石棧下奔峭幽林天光入悽神歷衆妙結  
茅但孤僧啟戶延客眺云此東峯半微茫見海嶠濤聲  
寒鬩蒼烟色斷雁叫浩劫水仙琴長往任公釣揮手謝  
時人與爾不同調

夜宿松寥閣用薩天錫韻

深松耿禪燈江黑疑有雨平生託宿處竒勝此堪數微  
聞金山鐘漸辨瓜洲路海色與西風又將陳跡去

瘞鶴銘

我生好讀浮丘經，焦山來訪瘞鶴銘。累累之冢令威歎，  
羽化誰使傳千齡。迺知仙家重文字，不異人世諛幽扃。  
崩崖敲浪下無路，直待水縮霜霰零。墨痕濺面葉藉背，  
仰臥劣可摹真形。張王近事僧指說，張弘王煥竒險欲動魚  
龍聽。長沙陳公鵬年發天祕，抉取覆以屋建瓴。繕亭何必  
歷三癸，鑿石直疑煩五丁。上皇樵書今得覩，尤慮氈椎  
日敲擊。比量北海遇趙岐，特護翠珉藏複壁。敢辭米老  
河豚譏，贖本重鏤外。加罽篝燈側，足窺大幽彈。渴親別

筆畫道真官若掌女青律筦壯失職當窮搜百番赫蹠  
走書估三日臥看母自苦摩挲後此五百年鋒棱就視  
空茫然吁嗟神物非近翫不如天吳什襲猶能全

焦山古鼎

古之彝器篆最與佚籀已遠誰稽探橫舟持刀或立旆  
簡質妙若繪事妣姬周尚文備衆體款識不慮供魚鱉  
二千年物落山寺王詩大小傳東南

西焦阮亭  
兩先生

茲游一

見發絕詫熊熊光溢燕子龕腹深八寸脣尺四叩之清

越微聲簡雲雷周帀峙饕饕生砂活翠浮朱藍無專世  
惠釋文異不獨立位形相參違父鄭邠誤考据尚功姪  
婦迷研覃惟王酬庸錫冊命鑿旗旌勒兼戈鏃忠忱對  
揚懼隕越孝思用享調滑甘鈴山不識此二字廿年辛

苦成虛談天池釣竇假盜柄大雞亦應台星三

明世宗  
自號天

池釣竇見沈  
虎丘野獲編

鑄氣為兵事豪奪攸熅一例如狼貪上河

圖子偶偽託思質陷法人何堪吉金冒冒辱金辱得不  
昇送行趨趨子孫永寶意爾爾雜廁尊勺娛宴酣豈知

袁州詔簿錄清玩件繁文嘉諳此鼎潛藏幸神助同時  
輩行歸瞿曇空諸所有乃常有雲烟過眼休嘲哈壑舟  
恐遭大力負請視覆轍應懷慙何如留與客吟賞茶具  
更攜都統籃

甘露寺

誤緣峭壁蘚痕滑喜見空樓江影斜留得唐朝衛公塔  
廊腰雨過鐵生花

同作

祁門  
馬曰琯 秋玉

斷甃猶存劫火銷，祇憑絕頂看金焦。  
我來十月霜風厲，鴈江葉飄零似六朝。

海嶽菴

米老風流絕代無，一菴零落近僧厨。  
頻經甲子留京口，仍見寅哥列坐隅。  
卦影人間求古像，研山壁上勒新圖。  
奇顛那復拘常格，佳句還堪壓萬夫。

游金山

渡頭晴色風帖然，行盡寺廊如有緣。  
江光四圍佛屋頂



洞雲幾片僧牀邊  
開尊留客黑鹽豉  
打漿載人紅板船  
今夜蕪城定生夢  
夢在聽潮軒裏眠

十二月十七日雪後沙河寫望

野橋俯川光微曛  
隱疎木餘雪連半陰  
遙山自相屬透  
迤入城隅寒色翳  
空曲離離被沙草  
歷歷明村屋應有

林棲子殘編時映竹  
烟水抱一灣皓然行  
徑獨

明初馬仲禎卜

築於此名一灣烟水止菴祥公詩占  
得沙河此一灣此身能與狎鷗閒

眾間魚不上槽鳴

酒初熟毋憂世士知  
清境非所逐

人日集施竹田蘋香齋

以下  
辛亥

蜜炬紅銷漏下頻非關豪飲擬陳遵烟中春月大可愛  
窗外梅花如故人一種繁華武林事百年珍重草堂身  
幽坊莫忘重過約周北張南只比隣

題華秋岳詩卷

我愛秋岳子蕭寥烟鶴姿自開方溜室高詠游仙詩雲  
壁可一往風泉無四時滄洲畫成趣儻要故人知

同江臯飲吳山酒樓懷亡友石貞石

春風勸客倒雞缸樓子臨湖正背江翠激時時搖遠樹  
晴嵐故故入西窗二豪醉後知何物此士塵中信少雙  
石仲容今呼不起與君狂語倩誰降

古蕩舟中同大宗聖幾江臯探梅作

小船如瓜皮可坐兼可眠春山隨我行澹翠何繇聯竹  
外一雞唱風氣太古前搖搖四詩人漾入梅花烟

石八郎祠

薄暮投空山春陰澹落日躡躡樵逕旁幽幽古祠出畫

壁緣鮪鮪虛廊蔭杉漆湍咽神絃停嵐蒸廟額失相傳

石敢當祈報據齒萃但存天水志名字惜遺佚

祠見咸淳臨安

志竹枝迎村巫梅花作靈匹勿事呼林央山氓保終吉

### 晚至溪上巢

林巒生春寒心在諸天暝列坐疎竹根微泉各為聽花  
光淡欲無松籟遞相應衝烟山鳥還余亦下蘿徑

### 汎舟河渚取道田間尋梅花泉

清流一支瀉漏影明朝暎行行數石髮捨舟在溪門名

泉如逸士高寄梅花村寓形本天趣當得靜者論瑤席  
不盈尺衍漾青絲蘊鬢沸素漚發皎若飄英繁徒供野  
人汲彌思桑苧言四山秀脈聚萬古陰機翻慙我斛茗  
瘖甘芳入餅盆潛分趵突沫高尋玉井源

蘆菴贈克念上人

河渚富幽棲迴復何窈窕渚中復有渚春綠滿四照相  
期蘆之漪禪客對清峭示我裊中詩別擬畫公調因知  
彼上人滅景自年少晏坐觀物情仁心憫漁釣隔籬聞

櫂舟帶雨見荷蓀我來問佛事指點梅花笑

重過秋雪菴

僧言蘆花時  
月況最佳

魚國開雙林我遊不厭屢柳界護生堤盡除網罟懼登  
樓展四矚惟有舟是路羣山遠在南如讓水回互同行  
興彌深蒹葭待秋素欲驗溪僧言孤槳盪寒兔

春陰望西溪人家雲山梅竹互為掩映

溪聲迤西流寺橋扼其隘分餘落麥田綺秀渺方巽行  
人越阡陌春望怡我輩皜皜遠梅林映山青曖曖下有

漁樵屢竹樹互襟帶炊烟化山雲雲起半明晦花源色  
不同輞口境如在悵矣懷閒居悠然悟天繪

入花塢遇雨度藕香橋憩法楞菴

瓦亭標路口兩山夾嶽峯重過二十年望岫盟我心密  
竹遠無極微徑劣可尋清霽晝常暗況乃覆春霖雨來

法華頂雲埋精進林

僧舍名

度橋灑空礪濃青集衣襟忽

逢惜筍僧導入精舍深杉檜鬱當戶小閣相窺臨幽涓

落斷壁交作微妙音并無去家愁

去家日遠雨聲之愁也見文泉子

欲

擁冰牀衾始知淨名室可以聽泠泠

雨宿永興寺

山樓一燈寒蕭寥送清響暗生平地雲溼墮幽蹊椽遂  
成三宿桑題壁記疇曩安居過多雨佛說發精想橫窗

雙綠萼交影入蒼茫

俱上聲

跌對妙香裏夢寐雜詠賞隔

屋喧春禽明將進溪榜

春社呈志局諸君

蹤跡今年定絮萍叢書堆裏晝常局分來竹葉社翁酒



開過梅花水部廳

在南  
樞署

吳越朋簪連俊彥台明幽事寄

圖經紙田自笑多荒落欲向山川更乞靈

次韻

錢塘

汪

沆

西巖

離合人生似水萍相於官閣類巖扃風催花信初歸  
樹草接苔痕欲上廳為乞治龍傳社酒未妨破睡補  
山經先生自具編摩手更與家江發秀靈

蠶豆和朱稼翁

豆子酥含綠玉凝江鄉風物最先稱繅絲花外薰初重

戴勝聲中英已登竹塢流連燒筍客石泉珍重試茶僧  
清甘并欲題三絕轅釜朝來思不勝

雨中汎舟三潭同沈確士作

一雨湖山破清曉雲外諸峯殊杳杳問誰著眼到空濛  
只有斜風吹白鳥斜風忽斷穀文鋪壞塔平林乍有無  
濃拖高柳三升墨亂打新荷萬斛珠畫船低似荷花屋  
瑟瑟梢梢間蘆竹可惜今宵五月寒不同我友三潭宿

同作

長洲

沈德潛 確士

雲移高峯峯不定湖波過雨光逾淨佳人髣髴洗鉛  
華隔紗微窺晚妝靚一枝柔櫓蒼茫外綠蓑青笠元  
真態不遇南屏孫太初枯禪瘦鶴誰同載輕船準擬  
泊三潭鷗鷺為羣我最堪聽罷晚鐘烟際宿荷花深  
處夢江南

送沈確士歸蘓州

滿天梅雨合思吳早挂烟中十幅蒲白髮定能爭席否  
朱絃曾遇賞音無人同樂園文偏潔宅近靈巖趣不孤

只恐鷗情成間阻五湖那復憶西湖

湖上汎舟至壑菴

舊識林扉僻蟬多不厭聽訪僧無址磴覓路是南屏石  
帶殘雲潤潭臨雜樹青迴舟看坐處巖壑晚冥冥

意林所藏宋徽宗鸚鵡圖同確士作

繁華如夢宣和事仍在神霄自游戲誰傳真蹟落人間  
鸚之鵠之妙無比松枝浙浙墨鍼攢一踏枝鳴二墮地  
足鉤味啄定爭鬪不然那得風毛墜中間似欲助老拳

欲飛未飛張兩翅  
晶瑩點漆活眼睛

徽宗畫禽鳥多以漆點睛高出紙上

卻含萬里龍沙淚  
我聞物性不踰濟  
竟遣鑿輿隨突騎  
祇應回首媿此圖  
難諭兩官通  
問使當時迎駕教  
瑞禽扇篋翔集香  
風深五月五日工  
翦舌學成言語知  
人心貫京便佞等  
豢養不止烏棲借  
上林天機寫肖能  
無誤押字淋漓若  
垂露洞庭詩客詩  
獨步邀我聯吟重  
豪素休比乾侯魯  
國謠仍為天水王  
孫賦

題三弟子山遺詩後

并序

予少遭孤露弟僅六齡零丁危苦相依至今凡二十一年去年幸弟舉一子今年十月十日弟忽遘疾夭亡痛可言邪檢故篋中有手書雜藥方十數紙後有庚戌除夕一絕句弟素不能詩其辭似工者豈有夙慧邪第二句竟成劉希夷花落之讖抑有物焉以憑之邪吁可痛也因忍淚成二十字題後付孤姪黼收藏

人逐殘燈滅行留斷雁孤年年盡夜空有淚模糊

庚戌除夕

厲鶚  
子山

已響千家竹將殘一夜燈不知窗外雪漠漠硯池冰



樊榭山房集卷六

欽定四庫全書

集部

樊榭山房集卷八

詳校官侍郎臣謝墉

助教臣常循覆勘

總校官庶吉士臣朱鈐

校對官中書臣程瑛

謄錄監生臣蕭日昕



欽定四庫全書

樊榭山房集卷七

錢塘厲鶚撰

詩庚

酒蟹

以下  
壬子

草泥纔出海邊田不共茶鐺煮碧泉  
漁舍西風成昨夢醉鄉清味破中堅  
香留阜莢看燈夜餅臥黃花小雪天  
可惜老饕情思淺只將一語為君傳

佩兮南齋觀倪元鎮贈邾伯盛靜寄軒詩真蹟次  
韻三首

清詩隸畫遠人氣展向晴窗半穗雲卻憶當時邾處士  
能將寸鐵壽斯文

夜雨菰蒲何處居居然范綏配倪迂憑將一語添書品  
絕似寒花瘦鶴無

心跡渾如過臘僧小軒幽對竹鬚髻更分白石茶為供  
甘受人間俗眼憎

沈石田合子會詞真蹟次韻

自署云倚翠生沈周

南渡荒王嗟鼎沸一夕青燐生火內舊院樓臺化菜畦

渡頭無復挑根妹承平樂事百味盛

平聲

春宵角勝張長

繁言情不用比紅句紀事能工倚翠生鐵面譏訶亦時

有我譬解醒當以酒可憐瘦硬相城書卻寫柔詞傳士

友平章風月秦淮風

秦淮伎有私印曰同風月平章事見野獲編

小軸歸君

篋衍中冰漸生硯霜侵戶道眼澄觀本無住

朱碧山銀槎歌為秋玉賦

詩人往者聚長安好事曾聞孫退谷銀槎酌客客作歌想  
像無由能寓目朱華玉名碧山字至正年居魏塘里一生  
良治此僅傳流落江南非偶爾虛心斷節桑落貯分得秋  
河好風露開襟有客踞上頭或云鑿空博望侯手持支機  
石一片張侯張侯吾所羨即時酒與身後名何如黃姑渚  
畔長游衍槎腹餞詩句瀟灑問津可惜無知者摹形已奪  
晉丹青操觚堪補元風雅主人索我重作歌愛之過於金  
叵羅前宵偷兒胠其篋免隨羽化神搗訶翠壺插菊展重

陽半杯竟欲追渴羌醉倒空齋月為枕夢向天孫乞餘錦  
題陳授衣閉門覓句圖

君如後山窮取婦離鄉土漫歌妾薄命已見男當戶吟  
榻秋風高冥搜避童豎詩成在何時饑腸鳴卓午

論詞絕句十二首

美人香草本離騷俎豆青蓮尚未遙頗愛花間腸斷句  
夜船吹笛雨瀟瀟

張子野柳者詞名枉並驅格高韻勝屬西吳可人風絮墮

無影低唱淺斟能道無

鬼語分明愛賞多小山小令擅清歌世間不少分襟處  
月細風尖喚奈何

賀梅子昔吳中住一曲橫塘自往還難會寂音尊者意

也將綺障學東山

洪覺範有和賀方回  
青玉案詞極淺陋

舊時月色最清妍香影都從授簡傳贈與小紅應不惜  
賞音只有石湖仙

頭白遺民涕不禁補題風物在山陰殘蟬身世香尊興

一片冬青冢畔心

樂府補題一卷唐  
義士玉潛與焉

玉田秀筆遡清空淨洗花香意匠中  
美殺時人喚春水

源流故自寄閒翁

鄧牧心云張叔夏詞本其父寄閒翁  
翁名樞字斗南有作在周草窗絕妙

中  
好詞

中州樂府鑿裁別畧仿蘇黃硬語為若  
向詞家論風雅  
錦袍翻是讓吳兒

送春苦調劉須溪吟到壺秋

羅志仁

句絕竒不讀鳳林書

院體豈知詞派有江西

元鳳林書院詞  
三卷多江西人

寂寞湖山爾許時近來傳唱六家詞偶然燕語人無語

心折小長蘆釣師

朱竹垞檢討靜志居琴趣中語

閒情何礙寫雲藍淡處翻濃我未諳獨有藕漁工小令

不教賀老占江南

錫山嚴中允菴友秋水詞一卷

去年雙聲子細論荆溪萬樹得專門欲呼南渡諸公起

韻本重雕萊斐軒

近時宜興萬紅友詞律嚴去上二聲之辨本宋沈伯時樂府指迷子曾見

紹興二年刊萊斐軒詞林要韻一冊分東紅邦陽等十九韻亦有上去入三聲作平聲者

題冒辟疆姬人金圓玉水墨秋葵圖

辟疆自題云余不能飲日



看畫此花亦  
飲醉酒意也

金瓊橫鼓醉不勝墨痕秋暈一匳冰西園老畫佳公子  
看畫花枝學信陵

丁未暮春佩兮來游湖上曾作五字詩奉贈壬子  
秋僕至邗留寓小玲瓏山館歲晚將歸復次前韻  
志別兼呈令兄秋玉

書至約已頻別來思易積夢想蜀岡青中有春明宅一  
舸秋雨餘又逐閒鷗跡相見尋古歡前塵空役役君家

山館幽短榻對虛白名談開襟寬積卷堆坐窄琴清共  
低徊酒釀小浮拍殘年逼歸心彌復惜離坼今夕首扁  
舟始覺身為客眷眷隔烟江戍樓聞遠笛

過青浦縣

時將訪功  
千於松江

草草衝寒路船窗西日餘潮痕上城古蟹穴入沙虛飄  
蕩青龍艦艱難黃耳書故人今夕見杯酒惜居諸

朱涇

船子高風去不還霜天如洗白鷗閒明年若買蓑兼笠

合並華亭落照灣

早春登孤山四照亭

以下  
癸丑

澀磴盤迴竹尾斜東風先入梵王家吟筇更上梅多處  
四照山光四照花

南湖雨中

夾竹天桃蘸小紅水高魚滬沒蘆叢南湖春物無人管  
都付斜風細雨中

虎邱清明同意林誠夫江臯作五首

年年水上送離鴻，每到清明憶夢中。  
何處天涯無草色，新烟偏繞舊吳宮。

春向通波盡可憐，賣花籬外鬪茶天。  
白堤無賴新楊柳，

分上吳娘六柱船。

吳中清明多以柳枝插船尾六柱船見范成大吳郡志

踏青羅韞逐時新，節物何關百感身。  
小住客程剛半日，

虎丘山下看迎神。

千枝穠豔萬枝斜，破楚門西倚暮霞。  
不是逢春被花惱，却因老大惜飛花。

柳傍蘇臺舞不休  
山青無際水空流  
歌船載取輕陰去  
便有瀟瀟暮雨愁

同作

仁和  
趙一清  
誠夫

春來到處觸閒情  
小隊橫塘一字行  
明日吳宮芳草  
路青青踏徧又重生

春晚同尺鳧西顛登丁家山新亭

百轉鶯闌百舌催  
游人猶向此山來  
雙亭半倚林蘿出  
一壑中分紫翠開  
笑挽風光歸健筆  
醉邀湖影入深杯

金剛心經卷七  
卷七  
平生野服宜春服惹得松花竹粉回

立夏後二日同敬身授衣過重陽菴薛尊師房

有客佩含景丹房迴在東開窗俯塵世坐樹御天風白  
羽花間驥青衣泉上童日長能省事吹笛此山中

南湖初夏四首

不踏看花陌上塵草堂近卜約齋鄰垂楊水寺殘碑在

瘦策寬襖浴佛人

張功甫自  
號約齋

委巷人歸路屈盤苧衣初試尚嫌單斜陽半落湖光裏

一陣蘋風助麥寒

壞垣桃李自無蹊  
記得輕船對罾泥  
看到濃陰春又夏  
人家斜倚采桑梯

疎放都無客過存  
五經籬外曲通村  
紅蕒十大開還落  
臥讀農書不出門

官米

近日官倉米如京積最高  
廬陵價先踊河內發猶勞  
鼠盜難周防鳩形詎徧叨  
盈虛如可酌估客集千艘

汪積山招汎湖上觀荷分得于字

妙友問何閣相期逃暑途滌瓷作茶會刺船暎菰蒲各  
各脫藤帽一笑歡莫逾羣峯正清曉雲影移浮圖趁此  
萬斛涼搖入碧玉壺舟人頗解事為擇最勝區虛亭架  
水中水花下開數倚闌當花上圓葉交撐扶却羨雙蜻  
蜓翹飛抱黃須縱目浦樹密傾耳村蟬孤諸公惜永日  
迴橈穿裏湖裏湖花更多十里無處無中央通延緣魚  
翠時相呼忽驚山倒浸花底烟平鋪安得山雨來衆綠



爭跳珠遠香送清苦悟賞知非殊僧榻借偃仰高唱紛  
囑于毋為待西風空令芳意徂

夏夜同樂城功千步月南湖

披衣聞剝啄蕭散步城隈煩思臨湖盡幽襟為月開魚  
聲不知處荷氣偶然來莫怪無看待清光送客回

七夕苦熱效西崑體

星期經歲思悠悠此夕星期暑未收鸞影周旋秦女扇  
蛛絲辛苦漢家樓漸臺露淺移東足銀浦風微到上頭

共道天人能會合癡兒揮汗拜牽牛

早秋同王麇徵汪西顥符聖幾坐報國院池上

秋意落僧院行徑紆且微愛此湛湛水脩林隱炎暉廢  
塹寒瓜蔓古堞高天圍清蔭漸半池儵魚如有歸盈耳  
發竿籟長風本無機一一適吾願詎似身世蓮永日敷  
坐具無人挂浴衣冷絕白鳥營閒免蒼蠅譏祇應二三  
子勿歎知音希

贈葭白移家真州三首

已厭譁韶學靜便帛槌茶磨上江船想君小閣移帆影  
新占長蘆寺外天

日出烟銷窈窕中漁娃尚臥荻花風淮南近日無三士

賸把江山乞寓公

淳熙間淮有三士舒州張用晦和州張晉卿真州章冠之也見張荃翁賈

耳集

白鳥飛邊天鏡開秦淮欲渡小裘回不須折柬更招我  
春水方生乘興來

中秋夜廣陵看山樓對月

連宵積雨卷滂沱洗出秋容與素娥  
淮海東來寒一點  
闌干下視眇層波細尋桂子鄉關遠  
苦戀簫聲夜思多  
賴有主人能酌客  
肯教邀影對紅螺

晚秋夜雨有懷故園

落葉卷風雨客愁仍去年背燈三峽水  
敲枕九江船  
預想他時話須妨此夕眠  
南湖烟翠色應溼草堂前

哭吳尺鳧

并序

八月三日與尺鳧飲湖上來廣陵兩月遽聞尺鳧凶問

僕性寡交游里中二三故人相周旋學積行修意氣高  
爽如尺鳧者何可多得竟連蹇不遇以死晚年頗耽琢  
小詞以僕為能賞音今無春風之筆矣十月晦夜夢尺  
鳧手一牋相示如生平覺而為詩哭之

文陣推排歲屢遷蕭閒臺遠便登仙秋湖小醉無期別  
老筆新詞後世傳公等莫追王武子夢來猶見石延年  
平生一掬知交淚斗酒相和滴到泉

題姚玉裁夜雨圖為悼令弟炳衡作也

剛風吹過玉成塵我亦披圖恨轉新  
今夜西堂打窗雨  
雨聲難寄夜臺人

予弟子山  
政亦二年

### 哭沈樂城

客從蒲坂鬢先雕  
幾日神游向沃寥  
廿載交情蘭韻在  
一生文采玉塵銷  
真成方相煩君到  
定復巫陽不下招

誰遣斯人竟黃土  
山風悽唳壙時簫

今年夏同君及功  
千意林早出錢塘

門道逢喪車衆隨其後君獨徘徊不前若  
畏懼者孰意其為先兆也故有第五句

### 法雲寺銀杏詩并序

寺在揚州市闕間極卑隘訪謝公手植雙檜已不存塔  
前有銀杏一本其大蔽牛腹穿裂呀然窺天秃枝攫擎  
榮悴相半殆唐宋來近千年物也此寺唐末揚行密曾  
屯兵宋又為呂惠卿宅行密羣盜之雄固不足道惠卿  
以熙寧法禍天下其人中不中與謝公為役亦樹之辱也  
不見龍鱗近佛香猶存鴨腳覆僧廊十圍空洞潛魑魅  
雙幹生枯飽雪霜影小吳王曾縶馬涼多吉甫定移牀  
孤根已是千年後怊悵無人比召棠

歲暮自題南湖所居四首

巢居何地可高騫  
近水聊同離垢園  
寒淨綠蕪侵巷尾  
明涵疎樹照城根  
雲帆引我遄歸興  
雪履聞誰獨往言  
魚計茶經無外事  
太平時節在衡門

三間老屋打頭低  
安隱深冬類蟄棲  
短布自遮周伯況  
大船不識庾安西  
雨多夾雪添湖水  
凍後烘晴滑徑泥  
俯仰懷人千古意  
蜜梅花發竊黃啼

又向張園挹早春  
豪華舊事久飛塵  
石殘甲乙黏乾蘚



檻易庚辛積冷蘋佛粥近分林下寺竈錫新賣水邊人  
賞心是物關時令只以康強祝老親

聊說吾生未有涯須煩健步遠移花平臨列岫人烟小  
細讀殘碑日影斜卧架少書思閱市行旒無夢到乘車

詩壇不似麒麟閣敢並南湖上將家

揚誠齋詩新拜南湖為上將謂張功

也父

北郭舟中同丁敬身汪西顥王麇徵作

以下  
甲寅

扁舟望臯亭淺絳色漸分回首稽留山餘雪黏空雲迺

知向背殊諸峯若離羣松陰結春靄冷趣彌氛氲同游  
得三子勇若張吾軍遙拜杜子恭棲隱尊昔聞不測古  
人意豈異今所云清言各未已村鐘殷微曛

石鼓亭

石鼓本無聲桐魚擊有異名亭自何年墜響閔山翠拊  
牀惜典午鼓妖亦此類茂先如可呼博物有遺議吳年  
出石璽竒事與之二維舟陟隕岸將老纔一至

宿佛日淨慧寺

羣山春未動清刻出松篠黃鶴翩欲下引我步深宵僧  
廬闢廣場淳樸境無擾衣傳四明來蔬足千指了平生

參諸方僻近苦未曉今諳困學公篆路盡縈繞

鮮于伯機游記

云村路詰曲  
如行香篆中

夜深龕燈短雪滴林月小哦詩祛眼食列

坐至啼鳥

曉起徹上人導行黃鶴峰下觀龍藏泉遂尋龍洞

至仙姑洞

清暘升峯罅粥鼓已絕紈石盆分瀨泉影動青菡萏主

僧為前導矜容富奇覽  
崑痕蜿蜒臥巧若出鬼  
鑿泱流苔礫度陰洞松  
雪拚華蓋滑可捫神寰  
垢自澹仙姑巢其上側  
足覩幽窞重扉蓄內景  
鴻瓏古誰撼既訝碧縈  
蛻復隱紺髮髡出險詡  
所能臨深謂何敢冷風  
回人衣歸路有梅糝

洪襄惠公園中峯石歌

在錢塘西溪

苔梯不埽狐狸迹崩雲上壓三十尺  
東風一夜聞履綦橫出殘梅點明燼  
當日園開迎貴壻仇大鑿春池照珠

翠咸寧侯印竟墮地七兒爭妍猶擁髻金閨妖血無人  
見塞上燕支洗羅薦二百年來如抹電蒼石無言淚如  
霰

二月十七日雨中湖上二首

催花應不為花愁點滴疎篷喚出游太半春雲如夢裏  
尋詩人倚十三樓

著意船頭溼酥雨生情柳外埽殘寒春懷酒病依稀在  
真箇花如老眼看

自石湖至橫塘二首

楞伽山頂溼雲堆  
噤痒桃花出廢臺  
萬頃吳波搖積翠  
春寒來似越兵來

青山斷處水連村  
踏草無人見履痕  
為愛橫塘名字好  
夢腸他日繞吳門

游鶴林寺

江村近寒食  
花柳發天慳  
舟噓荒城下  
輿鳴野水灣  
曉餅劉帝井  
午磬戴公山  
欲問千年事  
高僧但掩關

廣陵城南看花作

一灣碧水疎籬護  
今人栽花昔人墓  
今人又作墓中人  
惟有花開客來去

夏五雨後同意林登隱几山樓望江湖諸山懷功  
千游華亭

密樹含餘清  
平池帶微瀾  
是時積雨斷  
何以做心目  
高哉君家樓  
脩楯俯萬屋  
翳窗新桐枝  
為我翦蒼玉  
鳥下數歸雲  
眉間攬衆綠  
正爾山氣佳  
散作風肅肅  
頽陽在

衣袂幽鳥亦相逐同心念薄游雕章慰負獨亭琴味幽  
蘭呼茗煮溪淥遙知孤吟人草蟲入明燭

病疴少間西顥聖幾見訪

日長一鬼欲銷除倦倚屏風獨枕書老去故人多已逝  
病來學侶未全疎香芸有味求公是縣竹多慙薦子虛  
何似南湖堪坐夏白荷花底數游魚

新安吳東巖孫婦朱儒人殉節詩

問政山高雲纚纚瑤姬夜躡青鸞尾竹陰黯澹桂魄香



左挹湘娥右山鬼欲滅不滅深屏燈朝來炎赫如懷冰  
為郎無計挽白日妾命畢以朱絲繩郎家閨門若朝典  
一杯薑橘靈車餞誰知泉穴百年同不道歡言當日淺  
祖翁聞之泣且驚鉅篇上媿劉更生

東巖為  
作傳

我為作歌

少塵土滌筆新安江水清

七夕後一日湖上雨後作

客攜河朔杯邀我汎湖水蕩舟荷花中山雲忽樓起隔  
花聞龍腥蒼茫不辨咫驚雷殷空曲驅雨入城市風迴

白苧薄天開青柳靡餘飄灑平波劣見溼沙背勇退熱  
屬斂戰勝金神喜差強丈八溝目無貴公子

病中承功干以佳鼓滿器見餉遂進淖糜率裁小

詩報貺

毘邪口醜欲談空幽豆提攜裏飯同不學南朝王散騎  
但和薑蒜挂屏風

舟泊平望懷王載揚容都下

平望亭前落照紅十年幾度繫孤篷湖田芋熟連朝雨

水國鱸香大段風泊宅荒村無釣叟

泊宅村在平望震澤間乃張志和所

居見澄懷錄

耕閒舊里有吟翁

孫銳字頴叔號耕閒宋末隱居平望有詩集

六街

塵土流連處曾否吳歛入夢中

### 送沈丈樗崖游漢陽

長歌行色健頭白此揚舲江落小孤秀天寒大別青囊中  
名畫錄槎上老人星歸去書能寄餐松對敬亭

### 小玲瓏山館月夜荅方右將見懷

寒征背旅雁飛帆越江潯寂寥閉山館遙夜何幽森微

月澹絕壁淒烟罨疎林登高眺平楚霜氣皓盈襟迴燈  
理故書忽見瑤華音攄情一何厚鳴謙已而深報無飛  
霞佩祇枉秋水心夫君抗高步浮邱當可尋好修永自  
茲豈慮年鬢侵塞予風塵際行役懷欽欽重城隔閭巷  
今夕如孤禽矧復千里遠離思紛難任對酒不能飲直  
為君沈吟

過小玲瓏山館有懷樊榭用張司業寄韓昌黎

韻

歙縣

方士處

右將

頑鈍苦檢束薄俗恣便安當前昧矜式頓失心志閒

繫我有良朋朗潤雙壁連

謂嶰谷半槎

駕言適虛館爰憩

玲瓏山古翠羅峭壁榮木蛻高蟬南風一披拂盪滌襟懷煩游目騁吳越浩渺烟雲間念彼秋水人宛若珠在盤憶昨誦佳句導我百尺竿今茲苦離索雖美誰為前何當過江來把臂期晤言

揚州新構梅花書院紀事二十韻為秋玉賦

即梅花嶺舊址

一簣前朝築層臺久已傾榛莽誰翦雜堂廡忽擘嶮斷

手由耆舊同心快落成喬林書閣迴疎影墨池橫帶草  
緣文砌衣魚走旅楹人來石倉學地勝月泉名都講堪  
重席高材自短檠俗將歌吹易氣以萑蘭更白雁江南  
識紅羊宋室平雙忠同抗節百戰力嬰城純孝維桑重  
天恩綽楔旌庭闈因愈疾并憫獨懷清血盡棲魂館  
肝曰棲魂之館  
出沈亞之集 風纏託體瑩異時齊俎豆列屋若宗祊  
書院之左祀宋制置使李公庭芝副都統  
姜公才右祀 本朝蕭孝子日曠婦某氏始作圖經記  
媵修月旦評功逾文太守頌徧魯諸生丹牘期千禩青

鞞訪二覺無忘等嘉樹有道補由庚為約春初霽還尋  
郭外行仍持無算爵共聽栗留鳴

金壽門有犬名曰小鵲要予賦長歌

高人寓物意本廉祝雞抱犢初無厭要與衆嗜相鍼砭  
何來小犬暫且黔細骹茸尾厥喙尖美淨不使塵泥霑  
似舐丹鼎垂蟾珣碧桃花下瑤草馥仙妹門戶防俗覘  
一聲吠上金背蟾何人盜取歸重擱先生得之笑娑姸  
勝聘狸奴裹吳鹽練香熏透毛髻髻字以宋產辭頗謙

畫筒書攄伺守嚴虹月舟載僧廬淹昏鐘幾杵霜氣鈿  
麩炭火爐雪一杓讀倦抱汝寒無嫌主人齋盃芹茹醃  
飯餘分供味亦甜魚砧饒沫休重拈風人田車詠載獫  
卞彬險出決錄槩烏龍錦茵羨香篴冬郎妒媒語詹詹  
一時豪豔誠難兼愛才蕭僕得汝添絳繒不逐高門炎  
邊鸞為君拂新綠邊頤公下視李迪筆勢纖低頭欲入衣  
襟襟歸來濤江臥茅苫越山鈿朵青刺簾手栽花護娛  
老聶雪麋名共縹囊籤

張伯雨還錢瘡詩雪麋應護手  
栽花自注雪麋元洲犬名也



冬日馬秋玉佩兮招同葭白菼江壽門廉風西顥  
江臯集小玲瓏山館限韻時予與西顥江臯將還

武林

誰道天涯樂飲仍清冬無事集吟朋留歡短日侵簾額  
隔坐疎枝並石棱鄉思酒邊懷越酒舊聞燈下話包燈  
物華兩地牽人夢多媿離騷語斲冰

明季廣陵包壯行  
製燈有名號包燈

同作

錢塘  
金農壽門

少游兄弟性相仍石屋宜招世外朋萬翠竹深非俗

籟一圭山遠見孤棱酒闌遽作將歸雁月好爭如無  
盡燈尚與梅花有良約香黏瑶席嚼春冰

臘日同周少穆汎湖

殘年風景得重經更借湖波倒玉餅寺鼓漸催沙草動  
船窗纔放雪峰青酒壚泉下無消息舊曲尊前有典刑

舉似梅花知此意冰澌苔澀上空亭

時尺鳧樂  
城俱下世

西溪曉起

以下  
乙卯

省春溪中寒偃臥如屈鐵宵分天柱夢覺來轉清切開

門殘月在下見數峰雪雪際生白雲宵暎不可說登橋  
水市靜尋徑冰泉裂田翁尚無事初陽候林缺懷新意  
似欣理舊抱已結何如巖棲人難竹飯松屑

行田至荆山嶺下作

大山何連延細岑若迴顧中有微徑通兩村隔松霧平  
疇開朝日宿麥半凝沍雲根脈未洩涓流但微注野人  
籬落小鳴雞隱雜樹雖無泥勝書農話眷幽素稍營下  
溪業更羨上洄住竹橋滑春霜往來定非誤

庭梅二月朔始花

牆陰的的兩三枝  
風信纔臨暝色遲  
可是春人易惆悵  
疎花明月不同時

臯亭看桃花舟中同孫瑤圃右階作

輕陰只傍北山阿  
游舫招要此再過  
十里風寒花淡淡  
滿塘春碧水羅羅  
不逢漁子應迷路  
喜有詞人共踏莎  
韶景依然年少去  
手中芳醞正須多

吳興月河雜題五首

炊黍重來負景光  
南風草木有餘香  
臨湖門外舟如葉  
看盡青蘆十里長

溪閣誰家有笛聲  
釣游無處不關情  
水雲寥落暮天出  
青翠數峯城上明

菱絲荷葉到塔除  
頗羨才人此卜居  
慙媿月河為寓客  
所聞前事不勝書

月河所聞一卷 宋  
吳興莫君陳撰

隔溪燈火晚冥濛  
留客空齋賭酒筒  
鄭重陸家兄弟意

夜涼笑語水光中

謂姚玉  
裁蘭成

燕燕交飛鳴鴨喧沿波思與故人言陳郎

授衣

賓榻知無

暇安得往來楊柳門

鮑西岡明府罷官後十二年復來宰長興頃從授

衣處讀其詩集作此奉懷

憶昔共年少論詩官閣曾赤衣今日盡白髮再來增會  
面山雲隔彈琴溪月仍侬時傳俊逸爭號鮑長興

唐改堂使君索和元日之作

夢覺鈴齋冷絮顛早分春到使君前朝正尚憶蓬山直

課績應同韻海傳官琰嘗茶民事簡農家探繭物華妍  
楊亭謝館追遺蹟黃閣遲登爾許年

閏四月二十一日集竹墩積照堂聯句用顏魯公

石尊聯句韻

閏夏集嘉客夙起羅清尊

沈綸翁  
樹本

一郡山水古百年耆

舊存

鷗

蘆深刺船影竹密捎橋痕

杭大宗  
世駿

乾鵲噪老屋

長蛟垂前軒

沈東甫  
炳震

蹙然笠屐到宛爾昆友敦

沈繹旃  
炳巽

棄捐薄俗禮往復同心言

沈幼牧  
炳謙

茵溷各安遇蘭艾紛

殊根

本樹

文繅藉貞玉白水塞芳蓀

鷄

戀三宿桑下留十

日平原

世駿

浪浪雨鳴瓦滾滾雲出門

炳震

急擬括羽似細

並飛絲論

炳巽

陰機幹溟滓神化合混元

炳諫

烟駕不肖駐

日車豈愁翻

本樹

林滋梅磊落溪暖萍溫暾

鷄

積靄斂萬

象大聲廢羣喧

世駿

擬金協至聽漱玉清營魂

炳震

連卷蕉

心展麗穀桐花繁

炳巽

衣徽那可攬琴潤誰能援

炳諫

飄搖

狎鷗鷺滂沱沐乾坤

本樹

談豪袂時奮坐久燭屢捫

鷄

筆

陣儼魚麗酒兵猶蜂屯

世駿

韻艱困師服辭騁追文園

炳震



天骨森莽尊健松起籬樊

炳

詩鴟設三之義途馳兩轡

諫

上下騷雅際溯沿清濁源

樹

寂憇蛤吠野倦欠雞號

村

鷓

翳岑俟景霽吐溜蒙靈昏

世

渴畏茗匿盡夢欣香

卸溫

震

吾儕意氣合縷縷非懷恩

炳

題敬身所藏宋石刻劉商觀奕圖拓本次沈啟南韻

翰墨能齊張璪名又從摹勒見圓成拓輕蟬翼渾相似  
筆細蠶絲不敢爭殘楮人間無二本一枰松下有長生  
綠陰茗會清江上展向晴窗眼倍明

八月四日同沈繹旃幼牧汎舟後莊漾游上金寺  
西風卷天雲水物覽澄霄輕舟屢敬側秋渚轉迢遶菱  
絲胃波鏡柳影出峯髻漁情滿蒹葭詩思落空翠向來  
境已遷弭楫到初地寂寂蓮宮開陰陰松子墜靜息僧  
椎喧古見佛傘毀尋澗咽復流披篁亂無次虛曠絕塵  
機颯沓驚涼吹將還重裘回落日在巖際

下菰城

古城並青山烏鳥噪城上蘿侵女牆平竹惡樵路妨緣

岡陟嶮危髣髴門有闕其中復何見飛藿隨風颺涼雲  
墮層阿林莽時一漲我聞春申君井邑此焉訪絕秦思  
重閉相楚取大壯遺功猶堅完故壘屹相向千秋同屈  
指事往祇惆悵

游菁山常照寺

余生嗜幽討輕身藉孤筇矧此吳西山歷歷青芙蓉古  
戍殘壁在小市樵人逢悠然無盡意一徑緣風松同行  
二沈子妙語時相供稻塍度斜日預想聞疎舂到門澗

響合深殿香烟封碑鐫嘉泰牒活筆猶鸞龍追惟叔始

年高僧隆茂宗畫充內供奉天笑朝從容携蒲襲蜀錦

煥儼紅樓蹤

癸辛雜識思陵御府  
梵隆雜畫携蒲錦襍

乞身向空谷說法鳴

霜鐘若人悟懸解了非罣礙曾閱世如浮囊誓願棲雲

峯我來思展禮登臨悵何從傑閣聳遺構網戶光彤彤

涌地憑佛力鬼瞰難為凶

寺後高閣明時自范  
祭酒應期家移建

四周碧

玉椽戛磨晴翠濃太息萬緣幻轉向世諦慵矯首窳堵

波卓筆深林重

沈襄敏公東涼山別墅晚眺

中田一拳碧落景淒百卉亭館野僧居彫剝今餘幾廢  
池浴獨鶴亂藤嘯山鬼堂堂太傅公平蠻功最偉雲霄  
史臣筆風雨羣小誅至今行樂地草木衆猶避相攜到  
來孫清論翩有斐晚風吹漁歌秋入西塞尾

倪文節公  
經鉏堂雜

志云下菰菁山之間  
一帶遠山為西塞山

雨中舟過衡山漾

竹溪止三宿流連極文讌遂為郡中行解纜疎雨濺芳

尊惜墜歡澤國起遙眇沿洄舟轉滯風逆如激箭出浦  
即通川川光遞隱見白雲被青嶂彌望鋪組練居民非  
楚俗商氣滿吳甸誰能生古愁坐令齒髮變

晚霽登峴山寄吳丈琳巖

蒼巘際遙汀歸雲不復吐乘興事攀躋一一辨村塢去  
鳥淨華雲來帆出疎樹伊人渺何在咫尺隔前浦空亭  
瓦影落荒碑蘚痕聚斟酌千載心石尊貯秋雨

中秋月夜吳興城南鮑氏溪樓作

銀雲洗鷗波，月出玉湖口。照此樓下溪，交影臥槐柳。圓輝動上下，素氣浮左右。坐遲月入樓，寂寂人定後。裴回委枕簟，窈窕穿戶牖。言念嬋媛子，牽蘿凝竚久。納用沈郎錢，笑沽烏氏酒。白蘋張佳期，彤管勞摻手。乘月下汀洲，遙山半銜斗。明當渡江時，復別溪中窻。

正月十九日探梅入龍歸塢，晡至西溪。

以下丙辰

辭舟理輕策，高處望溪源。日落泉明滅，山空氣晏溫。亂疑雲滃竹，香訝雪分村。欲就梅花宿，春風為埽門。

春晴登吳山同竹田江臯西顥聖幾作

振衣仍得躡芳塵  
追逐風光似有因  
燈市乍收三日雨  
酒樓遠接一湖春  
山王不入林中詠  
陶謝居然我輩人  
誰賞鈿車來往路  
落梅如雪撲吟身

鬻書和沈時公

收處心常損  
拈來淚欲垂  
誰憐非長物  
竟遣易晨炊  
宿讀人難得  
長貧我自知  
祇愁肉食者  
還有鬼名唾

南史  
人勸

柳津聚書答曰  
吾嘗請道士  
上章驅鬼  
安用此鬼名邪



西湖柳枝詞六首

相識東風萬萬條  
冶游付與玉驄驕  
等閒回首情難盡  
行過長橋更短橋

藏鴉門外綠恹恹  
染雨烘晴色漸深  
底事錢唐蘇小小  
不將翠帶結同心

千絲踈地復臨湖  
記得年時賣酒壚  
惟有箇儂偏愛惜  
三眠還要倩人扶

芳草春來斷客魂  
揚枝只合伴桃根  
滿湖碧水游船散

西月東風在寺門

鬪盡纖腰一兩枝  
水仙王廟日斜時  
青青不許游人折  
細葉如顰更泥誰

路旁烟態罨朱樓  
長送行人千里游  
願作湧金門外樹  
生來渾不識離愁

趙忠毅公鐵如意歌

上有銀鏤銘云其鉤無鐵廉而不刺以歌以舞以帶若是

折唯君子之器也趙南星凡小篆二十六字

鐵花鏤澀尺有咫  
一朵冷雲吹不起  
四周銀鍍篆畫嚴

古器曾經近君子高邑趙公卓犖才東林黨籍標渠魁

要扶衆正黜羣小不悟晚乃為身灾高皇辛苦營九有

輕擲乾坤崔魏手極人假子滿朝廷豈獨見泉竟無後

見泉無後趙公目南樂魏廣  
微語見泉廣微父允貞號也廷推禍伏三案根遥遣荷

戈出雁門匹如祥虜在苑囿猊獬擣驅之奔擊壺歌

罷提攜舞北闕關心淚如雨恨不親將逆豎頭碎如王

氏珊瑚樹力疏四害論四凶

公於神宗朝為選郎上四  
大害疏光宗朝為總憲斥

元詩教趙興邦官應  
辰吳亮嗣著四凶論

願鑄禹鼎代天功人間萬事不如

意佳名真與奇觚同鐵兮何清寒乃是公之忠義肝鐵  
兮何突兀乃是公之戍死骨我購得此常賣家傳觀四  
座寂不譁若采銘文備史事流傳億代可以箴官邪

飲城東許氏水軒二首

主人高閣外野趣一區寬細草漸沁徑春波屈曲闌  
柁舟無不可命屐此來看商略吹花雨幽懷禁薄寒

年年行樂意人事每相違畫角高城動梨花薄暮飛  
真成客不速猶道醉無歸歸路惜分手殘陽在袂衣

七月十五日夜宿牟流店望徂徠山同功千作

圓明出蒼莽涼風生樹間流光滿空際西照徂徠山越  
客寫鞍罷魯人炊黍閒因之惜清景露坐話鄉關

白溝河懷古次壁間韻

一片塵沙閱世餘薊門烟樹望如初茫茫古道聞蒼語  
寂寂荒村上蟹胥奪取瓦橋周業盡畫成帶水宋謀疎  
紫蒙何處秋風館戴斗空傳奉使書

十月十三日接葉亭留別金繪卣金壽門符幼魯

全紹衣王載揚申及甫汪西顥

釀飲非關醉浩然吟復吟  
客心如落葉遙夜感羈禽  
文史耕漁用春秋保社尋  
明朝驢券後一幅寫寒林

歲暮行荅蔣丈雪樵

歲云暮矣百工休幽人閉門清似水  
無錢何處貫芳尊  
有鳥多情啁梅蘂忽傳白髮杜陵空  
落手長歌在連紙  
自言賦命坐天窮為灾頃遇吳回氏  
三間老屋付無何  
數篔殘書嗟已矣且須逃債類諺臺  
只合忍饑如甫里

蕭條身事集闌年欲喚奴星行且止我棲山澤久沈冥  
卻因公府相料理邪廠爭笑伯龍癡漫浪翻成司馬悔  
歸來時序已趨趲跌宕依然向文史良辰相與撰逍遙  
剛卯旋看書效改宓今有道能不憂藥賣伯休聊爾耳  
明朝三徑轉春風連襪追游從此始

樊榭山房集卷七